# 8-dars.SMM ASOSIDA TADQIQOT LOYIHALARINI BOSHQARISH. YOUTUBE SAYTIDA KANAL OCHISH

Internetning kundan-kun ijtimoiylashuvi uning zamonaviy onlayn muhit sifatida trendga aylanishiga sabab boʻlmoqda. Bugungi kunda internet sarhadlarida 10 000 dan ziyod muloqot qiluvchi, yangilik tarqatuvchi, grafikli, blogli, videorolikli va h. k. ijtimoiy tarmoq va xizmatlar faoliyat yuritmoqda. Shu sababli, har kuni yangi-yangi loyihalar yaratilmoqda hamda ijtimoiy tarmoqlar auditoriyasi kengayib bormoqda. SMMning asosiy vazifasi loyiha uchun mos platforma tanlash va uni ijtimoiy tarmoqda rivojlantirishdan iborat. Har bir platforma oʻziga xos xususiyatlarga ega. Platformaning kuchli jihatlarini hisobga olgan holda, bir necha ijtimoiy tarmoqlardan samarali foydalanish SMM loyihalarini rivojlantirishning eng maqbul yoʻlidir.

#### TAYANCH TUSHUNCHALAR

Logotip — loyiha mavzusiga mos maqsadni ifodalovchi tasvir.

### **BUNI BILASIZMI?**

Tadqiqot loyihalarini rivojlantirish uchun nimalarga ahamiyat berish lozim? Facebook tarmogʻida tadqiqot loyihasi uchun sahifa yaratish qanday amalga oshiriladi? Videorolikli reklama uchun qaysi SMM platformasini tanlagan ma'qul? Instagram sahifalarida brend qanday rivojlantiriladi?

## YOUTUBE SAYTIDA SHAXSIY KANAL OCHISH



YouTube saytiga qiziqarli videoning joylashtirilishi va mijozlar tomonidan uning koʻp marta koʻrilishi natijasida daromad olish internet orqali pul topishning oson yoʻllaridan biri sanaladi. Buning uchun koʻpchilikka manzur boʻladigan qiziqarli videoni topish va unga mos sarlavha qoʻyish talab etiladi. Bu videoni qancha koʻp mijoz tomosha qilsa, saytdan olinadigan daromad ham shuncha yuqori boʻladi.

YouTube saytida kanal ochish uchun tarmoqqa Google akkaunti bilan kirish lozim.

#### YouTube saytida kanal ochish

1. YouTube saytiga akkaunt yordamida kiriladi va YouTube Studio bo'limi tanlanadi (1).

2. **Use YouTube as...** oynasi yordamida kanal nomi yoziladi. Kanal nomi sifatida ism, familiya yoki kompaniya, firma va brendning nomi kiritilishi mumkin. Masalan, **internet.marketing** (2).

3. Create channel tugmachasi orqali kanal yaratiladi. (3).

## 8-DARS. SMM ASOSIDA TADQIQOT LOYIHALARINI BOSHQARISH. Youtube saytida kanal ochish

	100	Use YouTube as
Manage your Google Account	(HID.)	First Name
		Last Name
Your channel		By clicking "Create channel", you agree to YouTube's Terms of Service. Learn more
Paid memberships	Changes you make here may show up across Google services with content you create and share, and to people you interact with. Learn more Use a business or other name	
YouTube Studio	· · · · ·	

YouTube saytida kanalni sozlash

1. **YouTube** saytining oʻng yuqori qismida joylashgan avatarni bosib, **Your Channel**, soʻng ochilgan oynada **Customize channel** tanlanadi (1).

2. **Avatar** ustida qatlamchani tanlab, **Edit channel icon** oynasida **Edit** tugmachasini bosgan holda **Google+** ga o'tib, kanalga mos rasm (shaxsiy foto, kompaniya yoki brend logotipi) o'rnatiladi (2).

3. **Add channel art** yordamida kanal yuqori qismi uchun oʻzingiz yaratgan yoki YouTube galereyasidan olingan tasvirni oʻrnatish mumkin. Tasvir oʻlchami **2048 × 1152** pikselda boʻlishi tavsiya etiladi (3).

4. **Sozlash tugmachasi** yordamida **"Overview"** sahifasi yoqib qoʻyiladi. Aynan shu sahifa yordamida: asosiy, video, pleylist, kanallar hamda kanal haqidagi menyulari ochiladi (4).

5. **About** bo'limi orqali kanal haqida qisqacha ma'lumot, turli so'rovlar uchun elektron pochta manzili, ijtimoiy tarmoqlar va sayt manzili kiritiladi (5).

6. Kanalga video joylashtirish uchun **Videokamera** ikonkasini (6) bosib, **Upload video** (7) koʻrsatmasi tanlanadi.



II BOB. SMM LOYIHALARI BILAN ISHLASH

7. Kanalga joylashtirilgan videolar va ular haqidagi ma'lumotlarni oʻzgartirish hamda videolarni oʻchirish **Video manager** boʻlimi yordamida amalga oshiriladi (8).

#### YouTube saytida kanalga video joylashtirish

1. Muloqotlar oynasidan **Select files** yordamida videofayl tanlanadi. Videofayl yuklangunga qadar, **Details** bo'limi orqali video haqidagi ma'lumotlar kiritiladi (1). Ushbu bo'limda videoning nomi, mazmuni yoziladi; mijozlarni oʻziga jalb etuvchi belgi oʻrnatiladi, shuningdek, u orqali yangi pleylist ochish va videoni mavjud pleylistga biriktirish ham mumkin; video kimlarga moʻljallanganligi, ya'ni uning auditoriyasi koʻrsatiladi va shu tariqa teg, til va subtitr, tasvirga olish vaqti va manzili, litsenziya, kategoriya, izohlar sozlanadi.

2. Video elements boʻlimi orqali videoning oxiriga turli izohlar, murojaatlarni qoʻshish mumkin (2).

3. Videodan foydalanish huquqlari **Visibility** boʻlimi orqali koʻrsatiladi. Yuklangan videoni ochiq *(Public)*, havola orqali *(Unlisted)* koʻrish mumkin, shuningdek, uni chegaralangan *(Private)* rejimlardan biriga oʻtkazish mumkin (3).

muhitda virtual borliq bilan ishlash	Saving draft 📳 .
Details 2 Video elements 3 Visibility Details	-
Titre (required) 3D muhitda virtual borliq bilan ishlash	
	Uploading video
Description ⑦ 3D multituda tavvorlangan virtual horlia bilan hogʻlig jaravonlarni aks ettiradi	

#### ESLAB QOLING YouTube kanalini rivojlantirish, uni yurgizish hamda koʻproq auditoriyani jalb etish uchun qator tavsiyalarga amal qilish lozim:

*Yuklangan videofayl uchun, albatta, ma'lumot yozing.* Aynan shu ma'lumot orqali YouTube videofayl mavzusini aniqlab oladi va foydalanuvchilar koʻrishi uchun tavsiya etadi.

*ljtimoiy tarmoqdagi sahifalaringizga murojaat oʻrnating*. Shunday yoʻl bilan koʻproq a'zo toʻplash mumkin.

Video uchun mukammal tasvirni tanlang. Tasvir kichik formatda boʻlganligi uchun undagi yozuvlar koʻrinmasligi mumkin, shu sababli foydalanuvchilar e'tiborini tortish maqsadida yirik shrift bilan yozilgan qisqa matnlardan foydalaning.

*Sifatli kontent, videorolik yaratish uchun mos dasturiy ta'minotni tanlang.* Kontent qanchalik sifatli va jozibador bo'lsa, ushbu rolikni tomosha qiluvchilar soni shunchalik ko'p bo'ladi.

8-DARS. SMM ASOSIDA TADQIQOT LOYIHALARINI BOSHQARISH. YOUTUBE SAYTIDA KANAL OCHISH

#### YouTube saytida qoʻshimcha kanal ochish

1. Settings bo'limini tanlab, Add or manage your channel bo'limiga kiriladi va Create a new channel tanlanadi. (1)

Search	Q         Internet marketing           Manage your Google Account
Account Choose how you appear and what you see on YouTube Signed in as fmahbuba84@gmail.com	<ul> <li>Your channel</li> <li>Paid memberships</li> <li>YouTube Studio</li> <li>Switch account</li> <li>Sign out</li> </ul>
Your YouTube channel This is your public presence on YouTube. You need a channel to upload your own videos, comment on vi	ideos, o Dark theme: Off >
Your channel Internet marketing Edit on Google	Location: United States >

#### TAKRORLASH UCHUN SAVOLLAR

- 1. YouTube saytida kanal qanday ochiladi?
- 2. YouTube saytida bir nechta kanal ochish mumkinmi?
- 3. Videorolik tayyorlashda nimalarga ahamiyat berish kerak?
- 4. Tadqiqot loyihasi doirasida tayyorlangan video qanday joylashtiriladi?
- 5. YouTube saytidagi videolar bo'yicha mualliflik huquqlarini himoya qilish mumkinmi?
- 6. Yuklangan videolarni koʻrish auditoriyasini chegaralash mumkinmi?

#### AMALIY TOPSHIRIQ

- 1. YouTube saytida tadqiqot loyihangiz uchun kanal oching va unga nom bering.
- 2. Tadqiqot loyihasi uchun ochilgan kanal logotipi hamda fonini oʻrnating.
- 3. Kanal uchun asosiy, video, pleylist, kanallar va kanal haqida menyularni oching.
- 4. Kanalga videofayl joylashtiring va video haqida ma'lumotlarni kiriting. Video bilan bogʻliq sozlashlarni amalga oshiring.
- 5. Videodan foydalanish huquqlarini belgilang.